

XORNAES DE TOPONIMIA: Llámallo pol nome, ye lo normal.



Xixón

**Cultura
y Educación**

Oficina de Normalización Llingüística

XORNAES DE TOPONIMIA: Llámalo pol nome, ye lo normal

Cúmplense dos décadas dende que s'aprobó'l decretu 105/2006 de 20 de setiembre que determinó los nomes oficiales del conceyu de Gijón/Xixón. Dos décadas recuperando'l mapa de la nuestra identidá y la memoria viva de la nuestra tierra.

Queremos celebralo con unes xornaes abiertes y pensaes pa descubrir la historia real tres de los nomes de los nuestros barrios, parroquies, llugares y cais y pa recordar la importancia d'usar el nome correutu porque respeta la nuestra historia, la nuestra llingua y la nuestra cultura. Vamos facelo cocinando, calegando per Xixón, xugando cola toponimia, con teatru, arte, charres y risas pa conocer con rigor y de mou prestoso cómo se llamen de verdá los nuestros llugares y por qué'l mapa del nuestro conceyu ye un tesoru cultural vivu.

MARTES 22 DE SETIEMBRE | SALÓN D'ACTOS DEL CCAI | 19:30 H

Piecina teatral «Los más buscaos de Xixón»

Una investigación mui poco seria sobre la toponimia de Xixón.

Un comisariu de policía convoca al públicu pa informar de los últimos avances na investigación de la banda criminal más buscada de Xixón. Una delirante investigación onde los barrios de la ciudá conviértense en sospechosos y la toponimia demuestra que tamién pue facer rir.

Un monólogu d'humor que convierte la toponimia oficial de Xixón nun disparatáu casu policial nel que l'actor Carlos Dávila adauta un testu d'Armando Gutiérrez.

MIÉRCOLES 23 DE SETIEMBRE | SALA DE CONFERENCIES DEL CCAI

18:30 H

¿Y si los lletreros de Xixón nun dicen verdá?

¿Podemos camudar la identidá de los nuestros pueblos con un xirón dixital y muncha retranca?

Fernando Argüelles, conocíu nes redes como

Banksyastur, convidanos a un percorríu per un mapa bien distintu de Xixón y les sos parroquies.

19:30 H

¿D'ónde vien el nome de Xixón

Anque hai delles hipótesis más o menos fundamentaes, l'orixe del nome de Xixón sigue siendo desconocíu. Esta conferencia de Ramón d'Andrés, profesor titular de Filoloxía Asturiana na Universidá d'Uviéu, va tener dos partes estremaes: na primera, va facer un repasu críticu de les principales teoríes sobre'l nome de la nuestra ciudá; na segunda, va ufiertar delles observaciones y aportaciones novedoses nesti debate etimolóxicu, que puedan dar más lluz sobre esti tema tan debatíu.

XUEVES 24 DE SETIEMBRE | CENTRU MUNICIPAL D'EL LLANO | 19:00 H

Foru de muyeres d'El Llano

La historiadora y periodista Arantxa Margolles Beran va falar sobre los 20 años de toponimia tradicional en Xixón.

SÁBADU 26 DE SETIEMBRE | CENTRU MUNICIPAL D'EL LLANO | 10:00 - 14:00 H

Xixón al platu: venti años de toponimia tradicional

Taller de cocina xixonesa puestu por Ana Cifuentes con introducción sobre la toponimia del conceyu a cargu d'Arantxa Margolles.

CURSU UP

Descubriendo la toponimia de Xixón

Un cursu curtiu nel que conocer l'orixe de dalgunos topónimos del conceyu de Xixón coincidiendo colos venti años de la recuperación de los nomes tradicionales como nomes oficiales.

- Dos sesiones los días **7 y 14 d'ochobre** n'horariu de 17:00 a 19:00 h nel **CMI de L'Arena**
- Matrícula a partir del 17 de setiembre. Más información <https://up.gijon.es>